

正法念處經卷第十二

寶二

地獄品第三之八

元魏婆羅門瞿曇般若流支譯

又偷盜果以惡業故彼地獄中見自己物他
人劫奪即便走逐既如是走間魔羅人以利
鐵刀執取斫割脉脉皆斷斷已復生又復更
有餘地獄人疾走而來閻魔羅人亦復捉取
刀戟杵枷皆悉炎然斫刺築打是彼偷盜惡
業果報如是無量百千年歲乃至偷盜不善
業果破壞無氣腐爛盡滅彼人彼處爾乃得

脫又邪行者見本婦女灰河所漂極大唱喚
惡波所推或有出者或有沒者喚地獄人而
作是言我今在此灰河惡處無導無救汝今
可來救我此難彼地獄人既聞啼哭惡業癡
心入彼灰河即於入時一切身分爲灰所爛
乃至無有芥子許在唯有殘骨後復肉生肉
既生已而復更見向者婦女稍遠於前在灰
河中而復唱喚作如是言救我救我彼人即
前而彼婦女疾走往赴既前到已欲抱婦女
婦女抱之彼婦女身皆是熱鐵炎起熾然鋒

利鐵爪既抱得已即便搜之身體碎壞無芥子許全處可得唯有骨在如是罪人普身皆血唯有筋綱彼地獄人欲心所覆見彼婦女而復走往彼灰河中乃經無量百千年歲如是惡漂如是惡燒乃至惡業未壞未爛業氣未盡於一切時與苦不止彼處業盡爾乃得脫如是復生飢渴燒身處處浪走復見有河陂池清水望冷故疾走往既走到已彼河池等洋白鑑汁皆悉充滿饒惡毒蛇普遍其中彼地獄人熱渴甚急即飲如是毒蛇和

合洋白鑑汁彼惡毒蛇罪業所作極甚微細入罪人口既入腹已即便齧大地獄人肚亦復增長如是惡蛇在其身內所有一切皆悉遍齧先齧小腸而唼食之是破戒人飲酒罪過如是無量百千年歲惡業所誑彼蛇所齧寶三白鑑所燒如是燒齧死已復生戒人飲酒破戒罪過又復妄語惡業果故彼蛇齧舌如是無量百千年歲受大苦惱乃至惡業未壞未爛業氣未盡於一切時與苦不止彼處業盡爾乃得脫脫彼處已處處浪走而復更見不

慈心果彼地獄人業作衆生如是說言汝等
云何無辜被燒更可無處而住於此我示汝
處令汝得樂閻魔羅人如是語已取地獄人
於地獄中更置餘處彼處別異別異苦惱多
多更與閻魔羅人如是更與地獄罪人種種
苦惱所謂在於一切方處大火所燒受種種
苦周匝險岸處處遍燒又復更入大身惡吼
可畏之處常燒常煮如是受苦身大極轉十
由旬量又復更入名火鑿處於彼處生受大
苦惱彼火鑿處大火甚熱於一切火此火最

勝更無相似彼火鑿處常雨火沙而燒煮之
彼沙稠迅如夏時雨復有異處名內沸熱彼
處閻火常燒常煮令彼罪人身體脹滿猶如
皮囊復更有處彼處名爲吒吒吒嚙彼地獄
地一切罪人以諸身分迭相揩割受大苦惱
復有別處彼處名爲普受一切資生苦惱彼
寶二
處惡煮受大苦惱彼如是處多有可畏惡狗
師子鳥鷺豬蛇一切與苦復有惡河彼河名
爲鞞多羅尼惡燒惡漂彼處燒煮皆悉爛熟
彼河熱灰赤銅白鑽炎然沸熱百種千種惡

淨居者名燒煮復有別處名無間閻罪人入中間火燒煮受種種苦復更有處名苦鬘處罪人入中燒煮受苦熱炎鐵輪轉在其頭一切身分鋸割劈裂若得脫已復入異處名雨縷鬘抖擗更燒更煮普身炎然如是燒已閻魔羅人百到千到炎刀刺割若得脫已而復更入鬘塊烏處而燒煮之彼處骨身如雪相似自身生火彼地獄人各執利刀迭相割削如是無量百千年歲若得脫已而復更入悲苦吼處在彼惡處常燒常煮既如是煮發

聲大吼如是吼聲自餘一切諸地獄中無如是吼若得脫已而復更入名大悲處彼人邪見非法惡法讚說爲法彼邪見人以惡業故見所愛色或父或子或兄或弟在大悲處而被燒煮挨身受苦啼哭喚言我今孤獨可來救我彼父子等極大悲苦伸臂向上大聲唱喚彼地獄人如是見已憂悲火生燒然愛新憂悲火熱形地獄火猶如冰雪如是二種大火所燒極受苦惱發聲唱喚閻魔羅人而爲說偈呵責之言

愛火熱於火 餘火則如冰 此中地獄火
愛火三界中 如是地獄火 蓋少不足言
若愛因生火 饒炎而毒熱 惡行地獄人
業盡乃得脫 寶二 愛火燒三界 未有得脫期
愛能繫縛人 在無始生死 愛火是地獄
非地獄生火 地獄火雖熱 唯能燒於身
愛火燒衆生 身心俱被燒 愛因緣生火
火中最爲上 地獄火不普 被處普火燒
三因三處行 三種業顯現 於三時中生
皆是愛心火 天中欲火燒 畜生瞋火燒

地獄癡火燒。愛火一切燒。如是愛心火
三界皆炎然。見何不樂法。今如是心悔
閻魔羅人於彼地獄大悲之處。如是呵責地
獄罪人既呵責已而復更與種種苦惱。如是
罪人彼處得脫而復更於無悲閻處地獄中
煮彼處普火燒地獄人其色猶如甄叔迦樹
如是罪人若脫彼處復於木轉地獄中煮彼
地獄人在彼地獄十六處煮邪見所攝犯比
丘尼惡業罪過彼人彼處於無數年久時長
燒乃至惡業未壞未爛業氣未盡於一切時

與苦不止若惡業盡彼地獄中爾乃得脫雖
脫彼處復生餓鬼畜生之中無量千世飢渴
燒煮迭互相食食百千身如是畜生以惡邪
見復犯淨行比丘尼戒彼人如是難得人身
如龜遇孔若生人中同業之處於五百世作
寶二
不能男犯比丘尼不善惡業餘殘果報又彼
比丘知業果報觀大燋熱大地獄處彼見聞
知若人殺生偷盜邪行飲酒妄語邪見業果
如前所說又復若人毀犯清淨優婆夷戒身
壞命終墮於惡處在彼地獄在一切大燋熱

處生受大苦惱所謂苦者彼地獄處一切無
間乃至虛空皆悉炎然無針孔許不炎然處
彼人火中伸手向上發聲唱喚第一急惡大
力堅苦熾火所燒灰亦叵得又復更生如是
無量百年歲常燒不止彼處若脫望救望
歸走向異處既如是走間魔羅人復更執之
普炎鐵繩從腳而纏乃至於頭次第急纏血
皆上流集在頭中然後復以炎然鐵鈎釘其
頂上領下而出復捉鐵鈎急轉急拔而復抽
掣罪人血出如赤銅汁熱炎熾然灌其身體

如是無量百千年中血灌其身而燒煮之死而復生死而復生惡業力故常一切時如是燒煮乃至惡業未壞未爛業氣未盡於一切時與苦不止若惡業盡彼地獄處爾乃得脫復於無量百千年歲生於餓鬼畜生之中若生餓鬼受飢渴苦於畜生中迭相食苦乃於無量百千世中爲他所殺而啄食之彼惡業人受彼苦已難得人身如龜遇孔若生人中同業之處貧窮多病於他人所常得熱惱心亂不止復不長命於四百世作不男人是彼

惡業餘殘果報又彼比丘知業果報觀大燋熱大地獄處彼見聞知若人殺生偷盜邪行飲酒妄語邪見業果如前所說又復若人毀犯淨行沙彌戒故身壞命終墮於惡處在彼地獄大身惡吼可畏處生受大苦惱所謂苦者如前所說活等地獄所受苦惱彼一切苦大身惡吼可畏之處皆悉具受復有勝者彼罪人身一由旬量第一柔軟如生酥塊閻魔羅人執持其身以微網鉗遍拔其毛合肉拔之從足至頭皆悉遍拔無芥子許而不拔處

彼人如是極受碎苦唱聲大喚餘地獄人聞
之心破開裂分散心怨所詐造作惡業自業
所詐如是聲出地獄罪人如是受苦閻魔羅
人爲呵責故而說偈言

欲心出甜語 閃甜語欲發 欲語是大惡
今受如是果 欲語最利刃 彼刃自割身
寧自割其舌 不說姪欲語 欲所詐衆生
瞋心急熾然 癡心所秉故 說姪欲甜語
姪欲樂至少 作惡業甚多 癡人欲心秉
從苦而得苦 欲樂一念頃 非樂亦非常

轉身受極苦 如是應捨欲 爲欲覆之人
住於地獄舍 若不屬欲者 則不畏地獄
若人作惡業 決定受苦惱 悲苦凡鄙人
何故今唱喚 惡行地獄人 業盡乃得脫
無有多唱喚 而得解脫理 若人欲自在
作不愛惡業 癡人今受苦 唱喚何所益
貧二 若見未來果 現在喜樂善 彼人不唱喚
如汝今朝日

閻魔羅人如是責數惡業行人既呵責已復
與種種無量苦惱乃至惡業未壞未爛業氣

未盡於一切時與苦不止若惡業盡彼地獄處爾乃得脫既得脫已無量千世生於餓鬼畜生之中彼處脫已難得人身如龜遇孔若生人中同業之處短命貧窮心亂不正所有語言一切不信於四千世作不能另是彼惡業餘殘果報又彼比丘知業果報觀大燋熱大地獄處彼見聞知復有異處名火鬱處是彼地獄第三別處衆生何業生於彼處彼見有人殺生偷盜邪行飲酒妄語邪見樂行多作業及果報如前所說若復有人於攝威儀

正行婦女行其非道彼人以是惡業因緣身壞命終墮於惡處在彼地獄生火鬱處受大苦惱所謂苦者如前所說活等地獄所受苦惱彼一切苦此中具受十倍更重復有勝者如是地獄火鬱之處以惡業故多有惡蟲名爲似鬱在地獄處長似弓弦其毒甚嚴其齒極利閻魔羅人執地獄人縛其手足敷其身體在熱鐵鈎極熱鐵地彼地獄人如是受苦唱喚啼哭先燒其背受極苦惱閻魔羅人取似鬱蟲置其糞門彼似鬱蟲形如弓弦入其

身中能作第一堅毒急苦其觸如火初燒葷門燒已而食食糞門已次復上行入其熟藏燒已而食食熟藏已次復上行入其生藏即燒生藏而復食之如是食已次第復入小腸大腸燒齧而食如是食盡在其身內處處遍走罪人身內如白鴿兒猶故不死如是惡蟲走向咽筍走而未到燒煮其心燒已遍食彼地獄人如是受苦唱喚號哭彼人如是二火所燒身內則有似蠻蟲食身外則有地獄大火彼似蠻蟲食咽筍已次走向面既到面已

先燒舌根燒舌根已齧而食之如是食已走向耳根復食其耳食耳根已走向觸體次食其腦既食盡已破頭而出彼地獄人猶故不死是彼惡業之勢力故遍身有孔如是惡蟲復入孔內復為地獄大火所燒普身內外一切炎然惡業行故如是無量百千年歲食已復食食已復生生已復食死已復活如是罪人受大苦惱是彼惡業作集勢力彼地獄人彼處脫已走向異處見大蛇衆一時俱來彼人見已極大怖畏走向餘處如是蛇衆惡業

所作走疾如風向彼罪人到已經絞普身周
遍其牙甚利有大惡毒齧彼罪人受百千種
最大苦惱彼地獄人如是具有三火所燒一
飢渴火二蛇毒火三地獄火如是無量百千
年歲常如是燒無有年數時節長遠乃至惡
業未壞未爛業氣未盡於一切時與苦不止
第29
若惡業盡彼地獄處爾乃得脫既得脫已無
量千世生在餓鬼畜生之中於餓鬼中飢渴
極燒遍生一切畜生之中生生常爲他所殺
害殺已而食若脫彼處難得人身如謫遇孔

若生人中同業之處於五百世爲第三人所
謂不男是彼惡業餘殘果報又彼比丘知業
果報觀大熾熱大地獄處彼見聞知復有異
處名雨沙火是彼地獄第四別處衆生何業
生於彼處彼見有人殺生偷盜邪行飲酒妄
語邪見樂行多作業及果報如前所說復有
邪行於沙彌尼作惡行已心生歡喜猶故喜
樂彼人以是惡業因緣身壞命終墮於惡處
在彼地獄雨沙火處受大苦惱所謂苦者如
前所說活等地獄所受苦惱彼一切苦此中

具受復有勝者所謂彼處五百由旬大火充
滿一切炎然有金剛沙遍滿其中柔軟如水
能燒之人猶尚畏沒況重惡業地獄之人彼
地獄人入中則沒猶如沒水惡業因故沒已
復出彼金剛沙有三角塊刃尖極利揩罪人
身乃至骨盡已復生生復更揩揩已復盡
盡已復生死而復活無能救者墮炎沙中唱
喚號哭呼嗟涕泣以惡業故於彼苦處不能
自脫時節長久若惡業盡彼地獄處爾乃得
脫雖脫彼處無量千世生於餓鬼畜生之中

若生餓鬼飢渴燒煮畜生之中迭相噉食於
一千世常被他殺若脫彼處難得人身如龜
遇孔若生人中同業之處常貧常病人所不
信爲不男人是彼惡業餘殘果報又彼比丘
知業果報觀大焦熱之大地獄復有何處彼
見聞知復有異處名內熱沸是彼地獄第五
寶二
別處衆生何業生於彼處彼見有人殺生偷
盜邪行飲酒妄語邪見樂行多作業及果報
如前所說又復有人邪見邪行於持五戒優
婆夷邊強行非法汙其梵行令戒缺壞彼作

是意破戒無罪不信業果彼人以是惡意惡行業因緣故身壞命終墮於惡處在彼地獄內熱沸處受大苦惱所謂苦者如前所說活等地獄所受苦惱彼一切苦此中具受復有勝者所謂彼處有五火山皆內熱沸如是五山普遍地獄皆悉熱沸一名普燒二名極深無底三名閻火聚觸四名割截五名業證遍彼地獄一千由旬如是五山去晉輪山及大輪山道里極遠彼地獄人見彼五山優鉢羅華於彼山中多有樹林陂池具足希望彼處

欲得安樂疾走往赴以惡業故彼山內有火惡風所吹吹已熾然燒地獄人普身捩轉如是燒已復見有山青色而大既燒受苦復更走赴望救望歸既到彼山勢墮其中猶如弩弦所放鐵箭射入蟻封如是入已不知所在如是如是彼地獄人在內熱沸火山之中沒無處所彼地獄人在於彼處如是燒已煮已炙已又復更入閻火聚觸惡山之中諸根閉塞受一切苦如塈納箭具受一切惡業果報如是罪人作集惡業閻火聚觸惡山之中受

如是果苦惱急惡無主無救無有伴侶食自
業果久受極苦常燒常蒸風所吹彼熱沸
處一切身熟得出彼處無足力故不能得走
閻魔羅入而復更執置割截山以鐵炎鎔割

其人根割已復生新生軟嫩而復更割如是

無量百千鋸割受大苦惱又復更入業證山

中受大苦惱唱喚偈言

如我自作業 我如是受果 欲怨燒我故
今到此地獄 放逸地不善 欲火燒人身
彼縛繫縛我 是故到此處 我先時不知

欲果如是苦 爲癡之所誑 自作今自受
無悲心惡人 將我在此處 無邊苦惱海
云何可得脫 業爲苦中苦 我今如是受
不曾見有樂 地獄苦不盡

彼地獄人夾火地獄受第一苦如是唱喚彼

地獄人常一切時受大苦惱乃至惡業未壞
未爛業氣未盡於一切時與苦不止若惡業
盡彼地獄處爾乃得脫若得脫已復於無量
百千世中生於餓鬼畜生之道於餓鬼中迭
互相見飢渴燒身於畜生中迭相食噉於百

千世死而復生彼人彼處既得脫已難得人身如龜遇孔若生人中同業之處惡業力故貧窮多病身分不具是彼惡業餘殘果報又彼比丘知業果報觀大燋熱之大地獄復有何處彼見聞知復有異處彼處名爲吒吒吒吒是彼地獄第六別處衆生何業生於彼處寶二十二彼見有人殺生偷盜邪行飲酒妄語邪見樂行多作業及果報如前所說復有邪行謂於受戒正行婦女行非梵行或時一到二到三到四到五到彼人如是不相應行或於婦嫁

或於同姓或於香火或香火婦或知識婦誰誘邪行彼人以是惡業因緣身壞命終墮於惡處在彼地獄吒吒吒別異中生受大苦惱所謂苦者如前所說活等地獄所受苦惱彼一切苦此中具受復有勝者謂有惡風第一勢觸極飄極吹令彼地獄罪人之身分分分解猶如劫貝急惡抖擗如彈羊毛如是勢急極惡大風吹罪人身毛塊毛塊分分分散猶如細毛毛亦巨見如何者毛劫貝婆毛彼毛既散還復聚合彼罪人身亦復如是惡風

所吹分散十方彼罪人身於地獄中惡風如刀分分割裂碎散如沙乃至無有一物可見如是身分毛亦叵見以惡業故一切身分而復更生生已復散欲力故爾欲如前說如是無量百千年歲乃至惡業未壞未爛業氣未盡於一切時與苦不止若脫此苦彼處復有金剛惡鼠食其人根分令破碎如芥子許受苦唱喚食人根已次食其腸既食腸已次食熟藏食熟藏已從背而出次食其背既食背已次食背骨彼惡業人以惡業故如是無量

百千年歲受地獄苦於長久時得脫彼處所受苦惱既得脫已走向異處復有黑蟲纏絞其身先纏人根燒而食之受極苦惱唱聲大喚如是黑蟲常纏常食乃至被人作集惡業未壞未爛業氣未盡於一切時與苦不止若惡業盡彼地獄處爾乃得脫既得脫已復於無量百千世中於食自肉餓鬼中生自食身肉雖自食肉而復不死以作業時自姊妹等行非梵行自受樂故於餓鬼中自食身肉若脫彼處生畜生中常作牝豬自食其子如人

中時於親等中行姦業故彼人彼處若得脫已難得人身如龜遇孔若生人中同業之處彼人常有人根惡病如是人根惡病急故自割人根彼業因緣若自有妻爲下賤人之所侵逼不相應人共行姦欲以作業時犯他妻故一切惡中邪見邪行最深重此不善業於世出世皆不相應又彼比丘知業果報觀大燐熱之大地獄復有何處彼見聞知復有異處彼處名爲普受一切資生苦惱是彼地獄第七別處衆生何業生於彼處彼見有人

殺生偷盜邪行飲酒妄語邪見樂行多作業及累報如前所說復有邪行所謂比丘貪染心故不相應行以酒誘誑持戒婦人壞其心已然後共行或與財物彼人以是惡業因緣身壞命終墮於惡處在彼地獄普受一切資生苦處受大苦惱所謂苦者如前所說活等寶二地獄所受苦惱彼一切苦此中具受彼人常恒修習善戒而捨善行修習惡道如是不善惡業行人習不善道喜樂習行以惡業行之十日因緣故於彼地獄受更重苦極急堅惡大重

苦惱活等地獄所受苦惱彼一切苦此中具受所謂彼處自從足指乃至於頭炎刀剝割一切身皮不侵其肉如是剝割一切身分與大苦惱既剥其皮與身相連敷在熱地以火燒之身既無皮閻魔羅人以熱鐵鉢盛熱沸灰灌其身體彼人如是被燒蒸煮受大苦惱唱聲大喚呼嗟號哭如是無量百千年歲受大苦惱年歲無數不可得脫常受如是堅鞭若惱乃至惡業未壞未爛業氣未盡於一切時與苦不止若惡業盡彼地獄處爾乃得脫

若於前世過去久遠有善業熟不生餓鬼畜生之道難得人身如龜遇孔若生人中同業之處常貧常病得極惡病海畔衆生同業生人形體不具所謂一脚一眼一臂其身獨短命則不長或一日壽如是處生是彼惡業餘殘累報又彼比丘知業果報觀大燋熱之大地獄復有何處彼見聞知復有異處所謂有河其河名曰鞞多羅尼惡燒惡漂是彼地獄第八別處衆生何業生於彼處彼見有人殺生偷盜邪行飲酒妄語邪見樂行多作業及

果報如前所說復有邪行所謂有人燒香索婦把手相付彼婦無過心生貳賤強與作過既與過已猶故喜樂而共行欲彼人以是惡業因緣身壞命終墮於惡處在彼地獄鞞多羅尼惡燒惡漂大河之處受大苦惱所謂苦者如前所說活等地獄所受苦惱彼一切苦此中具受復有勝者謂於闇聚虛空之中兩熱鐵杖惡業所作其杖極利入在地獄罪人身中入已極燒一切身分普皆作孔勞割燒煮一切身分皆悉分離内外火燒受極苦惱

炎然鐵杖如是劈已極受大苦彼苦堅鞭不可警喻彼地獄人既受大苦處處馳走墮在險岸岸下有河其河名曰鞞多羅尼惡燒惡漂以惡業故滿中惡蛇罪人見之驚怖極苦如是惡蛇炎牙惡毒碎其身體分分如塵而噉食之極受大苦唱聲號哭乃至惡業未壞未爛業氣未盡於一切時與苦不止年歲無數若惡業盡彼地獄處爾乃得脫若其不墮餓鬼畜生難得人身如龜遇孔苦生人中同業之處常貧常病常有悲苦爲他所使諸根

不具生在邊地凍山雪山其面極醜如驛馬
而唯食根草以存性命不曾知有稻粟等食
是彼本業餘殘果報又彼比丘知業果報觀
大燋熱之大地獄復有何處彼見聞知復有
寶二
異處名無間闇是彼地獄第九別處衆生何
業生於彼處彼見有人殺生偷盜邪行飲酒
十六
妄語邪見樂行多作業及果報如前所說又
復有人於離外染境界繫縛貪欲瞋癡三煩
惱輒修善之人而遣婦女勸誘令退彼人以
是惡業因緣身壞命終墮於惡處在彼地獄

無間闇處受大苦惱所謂苦者如前所說活
等地獄一切所受堅惡苦惱彼一切苦此中
具受復有勝者彼地獄處有地蠶蟲口觜極
利能破金剛令如水沫罪人惡業有如是蟲
於彼惡蟲所得苦惱勝地獄苦若受蟲苦彼
地獄苦則爲大樂彼地蠶蟲破罪人骨而食
其髓彼地獄中一切諸苦皆悉和合於受蟲
苦百分之中不及其一於千分中不及其一
百千分中亦不及一於彼惡蟲不能得脫處
處遍走隨彼處皆不得脫如是無量百千

年歲常燒常煮於餘一切地獄罪人所受苦
惱最惡最重受如是苦於一切時彼地獄處
如是燒煮而亦不死以彼惡業作集勢力地
獄和集常如是燒常如是煮乃至作集惡不
善業未壞未爛業氣未盡於一切時與苦不
寶二
止若惡業盡彼地獄處爾乃得脫若於前世
十七
過去久遠有善業熟不生餓鬼畜生之道難
得人身如龜遇孔若生人中同業之處生姪
女家爲彼作奴顏色不好手足破裂恒常負
水是彼惡業餘殘果報又彼比丘知業果報

觀大燋熱之大地獄復有何處彼見聞知復
有異處名苦饗處是彼地獄第十別處衆生
何業生於彼處彼見有人殺生偷盜邪行飲
酒妄語邪見樂行多作業及果報如前所說
復有惡姪有善比丘持戒正行於律無犯種
姓有事故生怖畏入所信家而彼舍主邪姪
婦人語言比丘共我行欲若不肯者我則舉
告必令比丘於王得罰或語我夫作如是言
比丘侵我若共我欲多與比丘佉陀尼食種
種美飲我與比丘二人極樂更無人知我向

人說此好比丘第二持戒有多卧具病藥因緣具足檀越我能教化必令比丘事事皆得
被人如是誑善比丘令退正道如是婦女惡業因緣身壞命終墮於惡處在彼地獄生苦
受大苦惱所謂若者如前所說活等劫
獄所受苦惱彼一切苦此中具受復有勝者
所謂彼處閻魔羅人眼彼婦女以利鐵刷刷
其皮肉肉盡骨在而復更生生則軟嫩而復
更刷刷已復生生已復刷閻魔羅人取彼婦
女肉生轉多而復酥嫩鐵刷炎然遍刷其身

而復火燒如是婦女極受苦惱唱喚號哭作
集惡業常一切時如是受苦處處馳走以惡
業故見本比丘來向其身欲意所誑疾走往
趣業怨難捨如是惡處欲心猶在見彼比丘
抱其身體則入火甕普火炎然如是無量百
千歲於苦髮處受極堅鞭第一大苦乃至
第十二
惡業未壞未爛業氣未盡於一切時與苦不
止若惡業盡彼地獄處爾乃得脫雖脫彼處
於五百世生畜生中若脫彼處難得人身如
龜遇孔若生人中同業之處則爲婦女在於

城中常除糞屎城中所有一切人中最爲凡鄙貧窮醜陋手足擘裂脣口免缺面色甚惡無父無母無有諸親兄弟姊妹常從他人乞食活命衣裳破壞垢穢不淨身闕一廂於顯現處身有傷破爲諸童子之所打擲受苦而活是彼惡業餘殘果報

正法念處經卷第十二

音釋

永樂北藏

正法念處經

第六三冊